

詒安堂詩初稿

序

叔彝司馬訓承名父學富髫髻杜氏熊兒精文選理羊家
驥子具正始風弱冠入贅序益肆力於詩遠規漢魏近攬
唐宋鍊玉能暖鏗金不寒性靈自殊根柢亦厚每當月夜
飛觴花天擊鉢舊雨今雨詩豪酒豪雅弦畢張靈璫獨奏
僕自壬辰歲後奔走南北離家者幾二十年未獲與叔彝
刻燭聯吟共商雅什瑤篇偶誦暮雲感深迫歲已酉歸自
閩南而叔彝之詩律益細風格漸蒼亟請其全稿讀之淵
淵乎聲出金石長劍倚天星辰亂飛神獅怒蹲百獸懾伏
時而春雲靄抱空山已花寒漪藻交古月梅隱葢其清淑
之氣集師友之益學博而通氣閎以達陶令潘令接乎宗

乘香山眉山窺其窔奧離奇光恠清婉溫敦無美不臻無
體弗備而其五言律詩則駸駸乎叩杜陵堂室矣抑僕猶
有說焉夫鳳翔千仞始極其游鯤徙南冥迺神其運叔彙
發篋奏理振管流音稽古熟四千年事入室皆五千卷書
而游蹤所及僅在大江以南然且發爲詩歌疎宕激越已
足凌轢方壺俯瞰八極今叔彙衆仕有日矣行將上玉京
謁金門皇華捧檄甘雨隨車慙覽天下名山大川發抒其
胸中奇崛之氣其所造當更何如僕也枯腸結轡索句未
能一臥滄江舊游如夢斯事賴有主持讓君出一頭地勉
旃勉旃是編特其嚆矢耳

咸豐二年歲在元默困敦且月姻世愚弟劉樞拜跋

敘

詩之爲道意寬而旨嚴詞近而義遠今世爲詩者多達此
音或寡豈非其淵源所本有不盡然者與海上王子叔彙
席光德甚厚銳志文藝兼嗜韻言嘗以所著詒安堂詩初
稿入卷示予詞旨森秀脾腕皮陸洵近今之健者然吾謂
古之爲詩者其意不專主乎詩君家世懿恪旣詳見于予
所爲王氏贍族田記而詩之醞釀復如此世之能知君者
多矣何待予爲掄揚抑予更有進者詩人之夥莫如唐而
史述高適元結皆以晚年解詩又各能以功名顯君之齒
固猶未也使奮其猷爲以續先緒則身名兼茂其爲生世
光寵不滋益大乎予旣美君之有本益願君濬而深之拓

而廣之使世不僅以詩人限吾王子也其涯涘更孰得而
窺測之道光三十年中伏日東余老民姚椿書

詒安堂初稿目錄

姚序

劉序

卷一

曙海樓詩

卷二

曙海樓詩

卷三

槎水往還集

卷四

槎水往還集

卷五

寄深寫遠齋集

卷六

寄深寫遠齋集

卷七

得閒集

卷八

得閒集

詒安堂詩初稿卷一

曙海樓詩上

上海王慶勳叔彞著

歲戊子己丑間始學爲五七言漢魏風騷茫然不解讀
書之暇偶閱唐宋人詩私竊效之寒暑屢易積卷遂多
時適先祖以城南詠宜堂屋廬逼窄別築曙海樓於浦
上遷居其中爰錄所作爲上下兩卷

交友篇

交友不在多所貴惟知心相期在道義品格珍珠琳季子
三尺劍伯牙五絃琴風誼薄霄漢磁石能引針旣以性情
合自然結納深里巷徵逐遊何足言苔岑但求進於古弗
願諧於今

花朝同諸兄弟郊外散步

東風吹放柳千條
春色無邊綠過橋
杏雨橫遮村市尾
梨雲低抱女牆腰
燕尋故壘情偏熱
鴛弄新簧韻益嬌
一路斜陽芳草暖
踏青好趁馬蹄驕

春日卽事

東風吹不定
春色滿江城
花態如人健
波光抵鏡清
樹兒斜嶺密
雲抱夕陽明
烽燧都消盡
桑麻樂太平

春日書齋卽事

數椽傍水居
新築四圍楊
柳青環屋
春來無事坐
書齋
俗塵早被鶯聲逐
此時花雨香成團
紅白宛描圖
一幅草長
有意來窺簾
風過無心還
戛竹靜趣先
教肺腑清
豈徒分

得清閒福倚闌更送殘陽歸淡淡煙痕鎖林木

柬鍾子良

夷原
名臣弼

風雨聲中一草廬捫心未敢負居諸開樽好續春前約盈
尺新成別後書賀世故應鳴鶯鶯名山豈但注蟲魚圖南
未展垂天翼早有榮光燭里間

龍華寺

烟波縹渺間一嶺立高阜扁舟破浪來繫纜爲沽酒村店
兩三家圍住萬楊柳信步過小橋踏碎苔痕厚盤盤徑愈
深禪房踞其後行盡綠陰中洞然見戶牖入門僧先喜邀
我坐花蘂竹爐煮新茶煩襟滌八九佛龕裏香烟芍藥舒
錦綬腰健還登樓遙山似培塿風送一聲鐘塵心歸烏有

忘言亦忘機盤桓不知久放船且趁潮白雲鎖江口

畬家聽濤丈

松

卽次見贈韻

消得平生氣概無高歌何事痛窮途欲將傲骨撐風雪移
取閒心入畫圖有暇還邀僧醉酒無田豈識吏催租莫嫌
老大情懷減嬾向漁磯問釣徒

翁善山水

吾家

水雲深處是吾家屈曲疏籬抱屋斜春色暗埋三徑草詩
題分餉一圓花門無俗客心機靜架有奇書眼福誇却怪
風來多海氣比隣生計半魚蝦

寒食後一日江上小步

飴簫聲裏又清明柳線垂垂綠滿城春色一帘名士酒風

光三月麗人行花攬流水香猶膩雲漏斜陽雨欲晴雅興
江頭誰許和啼鶯時送兩三聲

秋日卽事

庭院涼如許珠簾不上鉤蓮花初結子桐葉早知秋客愛

陳驚座

謂蓮塘丈

詩吟趙倚樓

謂闇齋明府丈

循陔多暇日還放郭門

舟

冬日漫興

鴉背斜陽閃影遲西風萬樹戰酣時娛親思拓園三畝欸
客頻斟酒一卮雲釀重重知有雪寒消九九竟無詩蒼官
健似才人筆老幹高撐百尺枝

梅花

春光消息逗南枝冷趣堪償酒一炬烈士性情高士骨詩
人肺腑美人姿轉憐詞賦才空費好在因緣蝶未知孤負
前村深雪裏閒騎驢背待何時

侍大父同鍾霖溥太夫子沈箕坡璐小飲玉蘭花下

花神疑是詩仙匹一夜樹頭盡簪筆琢玉雕瓊興未休才
華雪艷誰堪測枝枝搖曳當風前翠羽紛披疏間密嫩苞
微坼露珠圓遙射朝晴光四溢冷逼梨花欲斂香潔欺雲
朶難爲色時值春寒未解嚴狂蜂癡蝶猶藏匿對此亭亭
玉樹臨令人如坐瑤臺側况復看花並白頭鬢影花光鬥
正力若非痛飲酬花神轉恐花枝增歎息我雖稚齒列座
隅不飲也難情默默直須獻壽三百觴庶堪慰此眞香國

須臾酒盡明月來伴夢還移花入室

雜詩

志士勵姱修爲學苦不早書味甫覺甘冉冉倏將老縱非
誇博聞要必勤稽考舍書談經猷消息從何討慨自時藝
興一切憑除掃性理拾唾餘空言以爲寶借此梯科名捷
徑計原好若論經濟才空言正難保所以真英雄弗屑詞
章表不幸因文傳亦異時流巧敢恕知己無祇恨讀書少
萬事紛於毛一心靜如鏡利鑠名韞中誰果保真性理欲
談津津界劃非不峻可惜口頭禪相背未轉瞬豈知數窮
通無一不關命求旣未必來失亦何足病假使智巧徒力
可將天勝胡爲禍患投黠者偏多黷古稱愚鈍夫轉無大

驚震乃知碧天翁公道良可信雷焚樹必奇風疾草彌勁
曠達每坦易固執恒迂拘此由性所使未可強其趨吾謂
磊落者識誠超庸愚要其真氣在非比粗豪徒若但飭外
貌學問根柢無勢將本實撥禍且難支吾挾婢若阮籍罵
座同灌夫猖狂實貽害淪至荆棘途是以真達觀原弗形
跡摹無非信理足心不移榮枯何嘗恣放浪萬事憑模糊
桃李易零落松柏常青葱共承雨露潤榮枯偏異同是豈
造化責物性難相通一由繁華極力盡脂膏窮一歸恬淡
甚質厚精神充繁華與恬淡權非操天公祇憑自位置遂
判生殺功因歎處人世寄興宜防濃凡事剩餘地何至惟

悴終

大造不言造何一非資生至聖不自聖乃轉無可名從來
絕世業悉仗虛心成遑求時俗喜祇與前賢爭譽之且勿
顧毀之何足驚惟其抱負大處世心殊平咄哉夫已氏一
藝輒自鳴卽此一藝末正恐非真精何乃妄誇詡更不容
公評意氣旣如此人已先心輕無怪蓋棺後澌滅誰傷情
剩有鬼夜哭細似蒼蠅聲

身未入局中思之輒色舞及經局中來乃覺滋味苦味苦
雖不辭勢已難自主是知安分佳漫矜勇可賈一切葛藤
纏莫非由已取悠悠名利途實爲人心蠱何待入局中始
悔身騎虎悔尙嫌其遲况更材力賭

題宋熙堂

士淵

小影

一年清夜惟宜秋。秋風桂影，天香流一輪。明鏡忽飛出，誰家玉笛吹高樓。琉璃世界真堪玩，幾點疏星，淡河漢。舉杯邀得素娥來，霓裳仙樂聞天半。廣寒宮闕雲中開，幽人願影空徘徊。不知今夕是何夕，費盡花間宋玉才。秋宵玩月

綠雲掩映疏窗側，日費先生幾升墨。淋漓寫上滑，于箋雅抱高僧懷。素癖庭前愛聽風，雨聲與酣落筆。四座驚不換，鷺羣不覆鹿。美人翠袖秋羅輕，旁觀爭歎神乎技。一片葉間千萬字，精勤渾似剝蕉心。草聖書名從此寄。蕉窗肄書

和金補之姨丈元恩漫興韻

劍氣依然燭絳霄，漫將白髮感蕭條。堅撐赤膽稱強項，苦爲蒼生暫折腰。下筆文章神暗助，滿腔魂魄酒難澆。講堂

知是清閒甚聊借新詩慰寂寥

夜坐

不寐披衣起無聊獨倚樓夜闌人語寂風定檐聲柔勾得
詩情上偏慚筆力遒一燈挑欲盡譙鼓聽將收

和補之丈

東風顛似醉細雨散橫斜心事悲彈缺春愁黯落花孤燈
酸客夢雙鬢鑄年華何日攜尊酒相邀醉彩霞

夏日雜咏

虛堂岑寂午風清幾樹盆花向日明正是蘭湯初浴罷葛
衣好試晚涼輕

燒殘心字一鑪香閒看斜陽上粉牆欲寄蕭郎無別物浮

瓜沉李費商量

新秋

何處涼先到蕭森百尺桐夢回雞唱後秋在鴈聲中遠水
穿簾碧斜陽隔寺紅一庭都爽氣獨立聽西風

歲暮

斗柄星回歲月更寒梅已見一枝橫雲歸遠岫難成雪天
戀殘冬故放晴筆札太忙詩積債春光漸近鳥多情更誰
豪飲同司命酒氣濃蒸赴玉京

桃花源圖爲龔岳庵丈題

桃源在何處空費漁郎尋仙人不可作剩有雲無心後人
偏好事寫出桃花林阡陌何井井竹木還森森如聽問訊

語猶是秦時音方今正清晏入山何必深伊誰作此畫聊
寄煙霞襟田園倘招隱巢許原不禁南窗了無事抱膝姑
長吟

寄子良

翦得吳淞水春波接五湖性情鷗早熟名氏鴨能呼海上
多吟侶天涯幾酒徒老梅開已久能寄一枝無

侍家大人同沈夢塘丈

學淵

周花農丈

尊元

遊南園

尋秋踏破綠苔痕舊跡還和開士論詩法兼參摩詰筆勝
情豈讓浣花村一池碧水淨于鏡萬柄紅蓮香到門共證
襟期都灑落承歡長爲洗芳樽

月夜浦上納涼同汪霞江丈

空江淡遙影雲水團成秋明月忽欲上星彩微茫收寒光
挾浪簸倒挾銀河流輕烟盡飛散清氣乾坤浮野花夾岸
立吸露儼昂頭菰蒲聲瑟瑟驚起沙邊鷗新涼已如許倍
覺林塘幽伊誰弄鐵笛吹動詩懷道

綴夜泊

遠樹團烟密孤帆帶露收江湖三港入漁火一星浮鄉夢
圓新月風聲逼晚秋清笳何處起哀狹莫雲流

寒夜同季平弟作

慶均

風入黃昏勁書齋夜欲闌燈枯交影坐書妙擁爐看極浦
潮聲壯空山雪意殘詩成呵凍筆姜被不知寒

送蔣翁蕃之粵東

掛帆何事去匆匆一曲驪歌唱曉風海外遙傳烽早息天
涯惟有月相同羅浮蝶爛裙雙幅大庾梅皚玉萬叢且博
奇觀誇眼福粵東應是勝江東

辰山舟次

素有看山癖今朝暢此遊鳥聲蘇客夢花影挾扁舟雲密
峯難辨潮平水不流詩情兼畫意媿乏錦囊收

卽景口占

雲氣頽如怪石蹲野花深處掩孤村生居此地眞清福綠
水青山曲繞門

舟夜

峭帆抽影貼波行浪湧船頭月有聲寫出江灘深夜景蘆

花稀處火微明

壬辰春日書事

憶昨太歲次辛卯水伯肆虐恣灌輸江鄉窪下害尤甚出
疇浸沒如江湖三春麥損地盡赤蒼生盡入流民圖沿街
鬼欲掠人去鳩形菜色紛盈途縣官日集紳士議勸捐迫
切如催租可奈民力已久竭雖有飲助難支吾譬若僅持
一杯水車薪之火能救無而況猾吏善鉗伺借以射利尤
非誣奸民藉此攘臂起洶洶勢欲成荏苒坐法者半餓死
半嗟哉赤子誠何辜此事固由天降戾得失要亦人謀殊
方信備荒在平日臨時措置原齟齬

江干步月和子良

清輝皎皎射澄波萬里天如鏡乍磨秋氣蒼茫涵玉宇星
光隱約淡銀河疏砧敲夢增蕭瑟老桂分香入嘯歌回憶
高樓聞笛夜西風無那嫩涼多

舟中看月

明月恍隨我蒼茫一路中星芒寒刺樹帆力健追風山寂
遙沉翠壑孤淡歛紅魚龍爭照影疑坐水晶宮

雲翔寺

模糊賜額寫雲翔勅建年猶紀大梁佛亦低頭嫌寂寞鳥
偏棲跡耐荒涼六朝舊夢遺雙石幾片殘碑臥兩廊白鶴
一飛何日返只餘虬柏護僧房

吳淞道中

翠滴層嵐雨乍晴
吳淞波剪莫潮平
荻花兩岸乾如雪
柔櫓輕拖澹月行

吉雲禪寺

江名猶白鶴寺古號青龍

地卽青龍鎮故址故寺又名青龍

稻隴忙秋穫

松聲雜晚春撥殘黃葉路敲冷白雲鐘欲覓殘碑讀苔痕
鎖翠濃

青浦舟中

星殘天欲曙一櫂入清溪
艇子浮波活山光枕郭低
歸心隨月去遠樹與雲齊
破曉偏多景霜痕劃菜畦

天氣寒何甚凌晨正放船
孤城帆簇影萬竈瓦蒸烟
客夢驚裏秋懷鴈字邊
蓬窓欣有伴不厭聾吟肩

雨夜泊舟

柔櫓劃江烟宵深客未眠犬聲知近市人語爲停船雨點
響篷背江流喧枕邊吾行殊未已更與問前川

遊青溪霽園

野鳥不停呼招來暢遐矚危樓峭插雲奔泉寒漱玉峰攢
戶牖青竹染須眉綠芳草似帶圓亂把飛花束

寶劍篇

陰風掃地寒凜冽閃爍神光耀冰雪此是蒼龍萬古精莫
笑新磨三尺鐵博物張華安足誇天下何人是俊傑上方
請斬佞臣頭差喜朱雲語決絕空中晴霞忽霏然一片雄
心許交結疾雷破山鬼母驚啾啾聲與流泉咽土花半紫

苦花紅革囊已冷姦邪血況今海宇慶澄清縱有俠腸不
須熱懸向床頭伴客眠莫爲荒雞動悲切

夜坐偶成

三更明月生一片清光白欲證逃禪心軒窗四圍闌

和聽翁讀杜詩韻

艱難何處訴懷抱託微吟詩卷畱天地江湖自古今故園
惟有淚名世亦無心落拓依嚴武何曾是賞音

冬至後三日同蔣亦山丈

寶印

聯句

香冷勒梅梢

亦

雲昏凍四郊天沉山似壓

叔

門掩竹還敲

風急鴉爭樹

亦

庭荒鶴戀巢詩懷因酒健

叔

清興襟懷某

亦

詠梅和子良韻

和羹畢竟願誰酬
失笑孤山典慣搜
但許詞仙稱白石
更無詩筆壓青邱
北枝身分難客忘
東閣聲名亦偶留
得伴君時先有福
那須更計幾生修

北枝句用元人詠文信國事

子夜歌

青天一輪月
飛上梧桐枝
夜深誰與語
獨許姮娥知
蠶繭何纏綿
縹緲成千萬
緒一絲一寸心
宵來誰顧杼
織成機九張
淚漬珠數行
行間無淚處
還繡雙鴛鴦

女兒酒歌

酒以女兒名
價以女兒珍
女兒不嫁酒
不飲積年藏
得牀頭春
家家有女
卽有酒
誰家女兒
先結姻
今宵此酒
在此

地想見女兒家計貧當日嫁衣將酒換罄瓶錢值如千緡
酒味肯因貧富異美人遲暮酒偏陳

淞南小步

林隙湖光綠一灣酒家屋露兩三間一帘春色無人問紅
上斜陽分外閒

沿堤楊柳綠依依寂寞疏花護釣磯黃歇渡頭潮已漲碧
天無際片帆飛

菰塘

烟波浩如海任我一帆馳鳥影爭人疾舟行誤岸移菜花
黃入畫柳葉綠催詩翹首茸城近斜陽未下時

人日歸家

未容客裏逢人日，恰喜還家正此時。
寄語梅花應不負，歸來剛賦草堂詩。

同甘燹齋

堯鐘

槎溪小步

疏林時送野花香，一路溪聲撲面涼。
草色遙分流水碧，柳絲濃蘸夕陽黃。
酒帘著意招人醉，牧笛無腔咽韻長。
憑眺莫嫌歸去晚，一鉤新月已窺牆。

舟行遇雨

夕陽欲下潮初生，暮雲低護江光平。
風轉檣帆行不得，渡頭聊聽扁舟橫。
挑燈更自閒酌酒，倚醉還憑睡鄉走。
正欲將身化蝶飛，忽然怒觸雷公吼。
電光亂掣風雨驅，千軍萬馬來須臾。
雲頭黑壓蓬影重，浪高欲挾舟狂趨。
斯時纜斷

旄將裂直令篙師心駭絕我卽身能詩膽包難與神龍一
戰決風威幸卽漸銷雄雨陣全收皎碧空明月也如昭止
武隔林隱隱象韜弓

清明散步

禁煙節過雨初晴野水迢迢綠進城青草曲盤輒路遠白
楊遙閃夕陽明村村帘影招沽酒處處簫聲喚賣餠自喜
不貽猿鶴笑隔林偏有鳥呼名

苦雨

天公興淋漓日夜狂飛雨直訝銀河傾此漏何由補偶然
鵲噪聲方喜晴光吐詎料土未乾又見商羊舞苔滋芍藥
階水漲桃花塢蝸涎如題詩縱橫滿廊廡吁嗟窪下田麥

葉黃如土去歲秋歉收今復天降畧來日應大難豈止傳
稼圃雨絲卽淚絲泣盡蒼生苦

立秋夜

絡緯鳴何急催成江上秋簾波篩月碎河影裏雲流遠道
人千里新涼夢一樓滿天風露靜詩興小窗幽

月夜觀潮

潮聲忽轉海門濤白馬鬣胥氣共豪雪浪倒沾銀漢濕玉
輪孤擁碧天高狂排雲樹形疑走冷逼蛟龍影莫逃敢比
枚生誇賦手且將詩筆擲金鰲

渡浦至龍華

東風忽吹轉助我一帆張樹帶寒烟白潮攪夕照黃客愁

和水遠搶影臥堤長一杵疏鐘起塵心漸坐忘

虹橋

蘆子城邊路烟波接海東遠山含雨碧老樹倚天紅一櫂
秋風裏孤村夕照中垂綸聊寫興豈與釣人同

題蔣仲纓丈

文炎
秣陵詩後

西風吹上十三樓又蕩秦淮一葉舟乞米魯公常食粥上
書蘇季半凋裘文章辛苦成孤注湖海蒼茫集百憂且莫
君苗焚筆硯英雄從古感萍浮

泗涇鎮

數里江鄉鎮人烟一帶稠布機鳴比屋酒旆漾前樓斜照
紅輕抹遙山翠欲流木棉衣破廣到處盼晴秋

野望

偶出郊原望幽情滿眼中秋深山削影潮漲水浮空綠浦
堪盟鷺青雲不羨鴻差欣人事少詩思逐西風

吾園

雲階月地好簾櫳十載韶光迥不同流水小橋依舊碧斜
陽畫閣可憐紅岑樓猶矗羣花裏曲塢難尋亂草中白雪
久經傳雅調青琴還媿和難工

當時名人題詠甚多刻有春雪集

寄楊肖英

煙

用杜工部寄李供奉韻

商酌名山業茅廬不乏人有詩皆錦繡無句不精神實理
窮還達虛懷屈卽伸君眞今李白我媿昔汪倫綠髻同珍
重青衫喜斬新六朝尋勝跡雙屐滯遊塵文字留餘慕烟

霞且暫親投桃徵雅意行李仗吟身到處多心賞相交本性真高歌憐舊雨此曲是陽春申浦曾停駕機山愛卜鄰經綸原自富囊橐不妨貧得意毫揮疾深宵草起頻梧桐欽吉士楊柳重詞臣品貴誰題鳳時清定出麟賜平宜顯衛奚也未歸秦梅信遲東閣葵心戀北辰離情懷渺渺膚語削陳陳候鴈來天外晨雞唱水濱蘆花風起後秋思滿
關津

旅舍寄子良

閒庭草滿已春深尚把鶯花細細吟看月易生前度感登雲忙煞少年心休言海內多知己試問天涯幾賞音平昔未知離別苦如何今夕悵分襟

同腐一分不得收更比昔年苦昔年猶可支此苦何堪數
村柚既久空尚須供天庾縱或緩催科身已隣黃土嗟哉
吾鄉民酸真透肺腑

米價謠

米價日益高民命日難度一石錢六千從來無此數爲問
市中人僉云米少故官防商作奸平糶傳行舖那知產米
區同遭此困苦舟從陸地行屋近鮫宮住救死尙不遑何
暇隣封顧吁嗟米似珠比擬猶嫌誤珠或富人藏米更無
米路

孩兒曲

孩兒孩兒何太苦獨往獨來黃歇浦飢腸哀偏聲嗷嗷救

生除是能餐土日行足且僵夜宿聲難藏衣并鮮百結裹
體惟風霜豈無爲善客見之將錢擲片時雖不飢路總黃
泉迫嗟彼皆赤子何乃慘至是徒現地獄形生竟不如死
死亦未必佳其生尙如此君不見世間子弟恣割烹天寒
尙厭豐貂輕又不見閨中嬉戲小兒女飽煖猶煩心幾許
咄哉彼亦人生來豈眞皮骨無可哀

殘雪

連朝寒又煖積雪化空庭天氣晴猶嫩簷前滴未停尙餘
三徑白漸豁數峯青入夜邀明月清光展鏡屏

癸巳除夕寄子良

連朝雨雪掩柴扉雅興多因別後遲海國春遲梅信杳江

鄉歲儉爆聲稀拏雲敢信求名易彈鋏終憐作客非謂子慎
檢點詩筒勞遠寄離懷兩地其依依

詒安堂初稿卷一 終

詒安堂詩初稿卷二

曙海樓詩下

上海王慶勳叔彝著

甲午正月二日傍晚下雪至初三黃昏時始止平地
約二尺餘牆陰尤厚父老云春雪如此數十年未
之見也因作歌誌之

滕六太逞威恣意飛玉屑世界已盡封揮灑猶未絕可惜
裘點奇但博豪華悅豈知窮窶人淚共冰花結屋空堆似
銀衣欲化爲鐵撒鹽雖覺多飢腸不可噉徒令日僵卧學
得袁安潔念此淒惶情酸風亦鳴咽何忍餐梅花消我肺
腸熱

吳淞口

直接瀛州路靈槎一櫂通地浮鼇背外天孕蜃光中水氣
虛涵岸潮聲疾捲風數行飛鷺影衝破夕陽紅

書事

可憐薪似桂况值米如珠鄰國都成壑流民孰繪圖室將
懸磬比官請發棠無亦有困能指終難濟餓夫

鳩形兼鵠面菜色日相侵歸燕難成壘哀鴻忽滿林豆區
仁者粟飢溺聖人心載詠春陵句新詩寄慨深

十四夜偕彞齋遊白鶴寺

夜涼風敞寺門開枯樹蕭森擁亂苔踏破半庭明月影祇
餘古佛待人來

十六夜對月懷肖英子良

秣陵好山水肖英時 滄海壯波瀾子良將 月自同心照人
皆異地看風塵勞往復筆墨累飢寒誰識離懷苦聽來玉
漏殘

歸自槎溪

尚怯寒威鴈流鶯未肯啼人歸殘雪後樹羃夕陽低小飲
來新雨高吟補舊題東風方着意剪取柳絲齊

咏蘭

空谷何須意自傷離騷卷裏有餘芳分明情種天生就不
爲無人減却香

畲趙二川晉榮 子蔭晉棠 昆仲

不媿雙丁目龍門孰許登水雲間一劍歲月老孤燈才爲

飢寒鍊詩緣閱歷增自憐梅比瘦傲骨也峻峭

寒食日作

晴光煖入野花嬌到處遊人策馬驕楊柳烟濃圍不住一
溪春色過紅橋

東唐晴園丈

袖得營印筆來描山萬重豪情和酒化詩夢比雲濃卧就
勿高枕行還仗短筇能知禪悅味愛聽夕陽鐘

訪李蘭生丈於花影山房卽題其壁

春光留得幾多時徑外斜陽影自移倦蝶罷飛鶯睡穩

簾風定落花遲

甥館偶作呈栽材外舅

婉詠微雲句流連又一旬輕寒頻釀雨明月慣依人鳥語
將花媚詩懷借酒伸清閒能自遣何忍負青春

寄富子良見懷

相思同此掩柴關剩有吟箋互往還怪底近來消瘦甚夢
魂飛不過青山

寄蔣亦山丈

連宵耿無寐獨對一燈深夢結愁中句天閒物外心身宜
爲世用髣髴漸怕霜侵漫袖經綸手相期傳說霖

小作河梁別無端動隔年昌黎初有屋陽羨尙無田松菊
思三徑丈有松菊猶存圖小像功名賸一編伊誰賦招隱愛其北窗

眠

曉發

麥浪碧無際菜花黃入城孤村三月暮春老一鶯聲

野望

風吼春郊樹有聲歌喉隨處囀嬌鶯雨微農尙愁車水雲
薄天知欲放晴遠陌青黃都入畫好花紅白不知名碧桃
一樹開猶未遙指斜陽背處行

夏夜同子良作

月色一天皎蛙聲四野喧新詩期共賞往事費重論畫餅
憐名士藏書仗後昆松風涼滿屋清興足金樽

端陽後兩日夜雷雨大作

每年當此節難倩夕陽開急陣狂飛瀑神威怒走雷雲疑

鋪黑海天欲醒黃梅雨想吟詩句蛙聲已預催

東聽翁

吟到王維畫裏詩襟期倘許俗人知龍頭肯信名難副
譬如何命最奇一院雨聲催賭酒半簾花影約彈碁古來
充隱人多少何必蛾眉畫入時

東聽翁

炎蒸連夕鬱輕雷陣雨今宵信快哉月裏藕花香撲鼻一
尊且爲晚涼開

夜泊

雨過天容淨江空夜色寬月分星影淡風咽水聲寒交友
知心少吟詩愜意難舟人多舊識話到五更殘

畚李蘭生丈

曾記園林並賦詩相逢又過暮春時真成名士何妨醉難
學古人正在癡作客情懷雲樣比落花消息水聲知一樽
聊共酬明月忍令匆匆感別離

季夏甚涼

柴門臨水上日夜聽江流竹動風疑雨荷涼夏亦秋帆光
涵遠浦雲氣壓高樓飲罷還開卷燈窗景自幽

江上晚眺

飛鳥忽羣噪似將暮色催潮隨歸客到帆擁夕陽來子婦
喧漁艇功名冷釣臺呼童忙洗盞雲外月徘徊

同甘蕺齋肩輿之槎溪得詩四首

縱目郊原外。槎溪路亦賒。田疇千萬頃。村落兩三家。碧浪
吹楊柳。黃雲夾稻花。前途是何處。風颭酒帘斜。
偶然借適野客與。戀江隈。流水紅橋曲。疏籬白板開。霜搖
楓葉落。風送桂香來。沿路明秋色。吟情一雁催。

青天如一笠。雲影捲長空。鳥裏濃陰綠。霞蒸落日紅。炊烟
聞舍北。古寺蘼林東。兩岸秋聲起。蘆花戰晚風。
地僻行踪少。人家半力耕。路迷桑柘影。心苦桔槔聲。牛背
童吹笛。羊腸客問程。此間真趣足。隨意踏歌行。

立秋前一日作

閒庭靜無語。惟有蝶蜂忙。斜照入烟淡。晚荷出水香。雲含
天影薄。風帶樹聲涼。明日飄梧葉。新愁幾許長。

漫興

空勞深淺畫蛾眉苦戀浮名本太癡
壓檻花光如勸酒隔林鳥語宛催詩
大言轉爲庸流媿夙抱何煩末俗知
絡緯聲聲秋又到儘他催徧舊相思

引翔港舟次

烟際村難見蘆中人可呼天寒潮信縮海近浪花粗
飛鳥忽高下遠帆時有無清風吹月上今夕住冰壺

送諸蓮溪之携李

爛醉樽中酒扁舟忍便開蟾光催客去雁信帶秋來
聚久眞難別詩佳任費才離懷天際共休上越王臺

和子良秋日漫興

西風吹老五湖秋萬里蟾輝白上樓修到鴛鴦總是福飛
來蝴蝶亦含愁好將醇酒傾三雅安得遊蹤徧九州浪說
功名是何物湛盧光焰滿牀頭

又看光陰到暮秋題詩怕上仲宣樓柳能縮恨猶開眼草
縱忘憂不解愁增却十年仍故我吹來長笛感涼州男兒
珍重擎雲手翰墨場中出一頭

秋興

細雨敲梧葉隨風滴夜階疏還驚客夢涼欲逼詩懷瘦影
隨燈倚閒愁借酒埋何來雲外雁淒響過蕭齋

秋雨

瑣碎苔階畔終宵未肯休何人堪解語爲爾特悲秋草脚
藏來密詩心寫入愁旅懷聽不得唧唧五更頭

秋蟲

一道裙腰綠逢秋便不同莖猶攬露碧心自捲烟紅遠夢

關山裏斜陽蟋蟀中離離燒豈盡來歲又春風

秋草

何與西風事吹來縐綠波迢迢和夢關渺渺瀉愁多鷗鷺

添涼趣蒹葭託寤歌洞庭浩無際一笠一漁蓑

秋水

省園同棣庵夜話

夜雨初歸櫂春寒好閉門詩書叨舊德簪紱感

新恩

父新邀品以磨礪見才須鍛鍊存當年松柏節哀思不堪

論

養疴

下帷暫許息交遊故紙生涯未肯休夜對疏燈刪舊稿天
放寒雨送殘秋良辰忍負題糕節吉語羞貽畫餅愁更有

何方醫傲骨，慚心還是管城侯。

柬張願香丈村居

敢擬隆中卧，居然世外逃。地當村尾靜，樓比樹頭高。路僻人希到，才多迹轉韜。柴門都種柳，疑是北窗陶。

淞南晚泊

淡淡疏星碧落邊，飛來小艇破蒼烟。火風冷逼三更月，遠水低涵一握天。只恐狂呼驚雁宿，儘容閒夢伴鷗眠。西風吹盡蘆花白，滾滾寒潮撼枕前。

食菜

小園菜甲雨餘新，滋味休誇碧澗蓴。饑色每憂窮巷士，清風應媿素餐人。學爲老圃胸原窄，話到寒畦品獨真。市儈

漫拘求益見閉門能種亦經綸

周孝女行

孝女名慧珠邑城虹橋南人也曾以割股愈母疾今春母染時疫又復割胸以進而

母疾已危竟不能救女夜投繯爲弟解免翌日乘間投黃浦死時甲午四月初五日也

汝南有孝女不媿稱完人父亡惟事母至性全天倫何意母攫疾床第恒吟呻良醫策已盡無計回沈淪女聞慘心肝豈復知恤身抽刀潛割股奉以沾親唇母果病漸已日覺增精神人但驚愈速誰知孝感因然而壽難強修短誰能均女雖拯母疾天靳母千春母莫逃定數遑顧女酸辛一朝病更發遂與鬼伯鄰女也悲欲絕求死數已頻惟期伴黃壤豈屑畱紅塵無奈救者力此志難遽伸未幾眾略懈乘夜投江濱波濤何其幸竟容孝女臻及至眾知覺魂

已隨青燐埋之芳草岸大書標貞珉此水有時竭其孝不
可泯嗚呼曹娥廟俎豆應同陳

贈蘇子慎

忽作萍蓬合相逢有夙緣深情同骨肉舊業戀丹鉛綺夢
消金粉豪情墜碧天何當二分月愁結望雲篇時尊甫客邢江
貧也原非病相期保令名莫添遊子恨且適寓公情話雨
疏燈夕沽春小市晴知交滿湖海肝膽幾人傾

有感

讀書但結古人歡敢信乾坤俯仰寬時命窮通誰有據烟
雲起滅太無端憂危始覺知心少閱歷方驚入世難儘讓
雞蟲爭得失不妨冷眼暫相看

秋日江上晚眺同薇洲弟作

此地不來才幾日秋光又是一番更舟橫古渡人無語潮
落寒江月有聲禪悅忽萌塵外想詩懷還向笛邊生倩誰
寫幅雲林畫絕妙騎驢載酒情

舟次同薇洲作

乍展寒江霽涼風忽滿船潮喧孤客枕帆破一溪烟放眼
皆秋色關心問稻田老漁魚不釣閒倚蓼花前
落木空天地無風路覺長山連城內外石界水中央綠漲
侵低岸黃雲閃夕陽濁醪沽一醉笑傲水雲鄉

江村夜泊

暮潮海門轉夕照橫遙天逆流難理楫繫纜來村前人家

數十戶炊起林中烟燈火出窗隙鳴機聲相連春風吹悄悄明月生雲邊蓬背柳絲拂一夜鄉心牽

崑山道中

朗朗山如玉幽尋處處通不知城市裏渾在水雲中仄徑松環翠危樓塔映紅遂園何處是一抹晚烟籠

九日登虎邱同薇洲作

昨宵風雨滿池塘難得新晴展日光拚向名山同一醉况逢佳節是重陽柳疏低蘸溪痕碧菊淡微分夕照黃吟賞不知遊屐倦儘收詩句入奚囊

晚泛山塘

金樽攜上木蘭橈隔岸何人弄玉簫明月倒懸湖底鏡照

他花影過紅橋

萬點紅燈簇畫舟
買春多傍酒家樓
是誰香夢先成稿
可惜珠簾懶上鉤

旅夜聽雨

一夜吳江雨聲聲
到枕邊暗蟲喧砌畔
點鼠窺燈前鄉思
催輕拆秋心冷薄綿
今宵拚不寐擁被續長篇

獅子林

畫師不可作畫意
猶許領玲瓏萬竅心
能借頑石逞爲地
妙無多偏具無盡景
當路峙一峯頓使動中靜
孰知轉愈深更覺開異境
碧水界飛流紅橋橫隔嶺
客從山腹穿雲裏衣裳冷
探首窺遙峰略逗青天影

白公祠

斟酌橋邊景最幽
香山遺愛至今留
蘋蘩合作詩人供
臘月曾隨刺史遊
竹葉影搖三徑暮
桂花香動一庭秋
不須重灑青衫淚
夜夜琵琶滿客舟

虎邱寺

來訪招提境
炊烟四面環
到門不見塔
入室始知山
剎古名偏盛
人稠佛自閒
老僧如舊識
揖客出松關

生公講臺

霸氣空沈水
斯臺却不經
老僧徒費舌
頑石獨通靈
花雨飛三月
松濤撼一亭
千人誰聽得
大夢幾時醒

出盤門望靈巖諸峯

朗朗如眉列山山入畫屏鏡涵詩髻綠黛潑佛頭青嵐氣
濃於絮波光冷入亭笙歌猶沸耳眼爲水雲醒

歸舟

飽載秋光鼓櫂回孤帆好趁順流開村於遠樹陰中露人
向斜陽缺處來偶倚蓬窗看野色閒從村店買香醅吳山
久已成相識詩興還憑絡繹催

題鍾春畚丈

曾麟

紅藥山房遺詩

招得吟魂一笛寒秋風秋雨總辛酸可憐白髮情如許能
熟黃粱夢亦難斯世共將猿臂惜後人畱作豹皮看滿腔
豪氣空湖海三日歸家已蓋棺

題聽翁山水

老翁扶杖出雲溪
霜葉紅攏夕照迷
勾引詩心何處是
青山都勒板橋西

廢園

但有荒涼象繁華
一夢拋可憐紅杏塢
都變白楊郊樓破
雲穿歸庭虛鳥墜巢闕人惟老
樹猶倚壞牆砌

與聽翁書齋夜話

青雲羞故我綠酒又今宵
風急城頭鼓人喧浦口潮
秋容已如許壯志未容消
一點燈花結談詩慰寂寥

題黃平泉丈遺稿

浪迹無非閱歷緣
輪蹄纔息又乘船
湖山鼓舞詩千卷
塵海消磨夢卅年
才子文章新樂府
麴生風味小遊仙
瓣香

誰下南豐拜不愧隨園嫡派傳

君爲袁簡齋太史所賞

足疾坐卧一室殊困人意束聽翁

漠陰機早息終日掩柴關詩好心常記身安夢亦閒枯禪
參白足高隱羨青山滿眼皆生意庭前草不刪

再題平泉丈詩

飽享烟巒福豈輕天教靈氣釀詩成韻爭蜀道連雲險音
帶廬山瀑布清一粟何難藏大海五言真不媿長城前身
合作東坡看此筆雄於掉尾鯨

足疾擬不赴試戲成一律柬同人

文章誰驗橫行兆本乏人間捷足才步武憑誇時下好功
名不到枕邊來夢能伸脚言非妄智豈如葵狀可吟漫謂

史公牛馬走追蹤偏似折輪材

盆菊尚有可觀

好花如待我尚有兩三枝霜信憑搖落秋容儘護持問誰
猶插髻笑爾亦趨時偏奈成孤負還應罰滿卮

白患足疾不飲已一

月矣

紀事

回憶前年歲癸巳米薪昂貴不成市窮鄉僻壤苦尤多天
性誰遑憐少子紛紛乞食踵相連大父一見心惻然急邀
好義兩三友分居厦屋兒盈千臘盡春回農事作各挈兒
歸欣有託家家相聚喜還悲依舊天倫得至樂噫吁嘻行
善原因惻隱生揮金豈是爲求名奪還赤子黃泉裏惹得

閻羅聽亦驚

和梅岑丈聞雁韻

天地蒼茫裏聲聲忽送秋似言蘆荻穩早辦稻粱謀湖海
書難寄風波客正愁題名猶有塔莫漫感沈浮

畚亦山丈卽次見懷韻

早有豐城劍氣浮聲名何事冷吳鉤三年小別青衫淚一
曲清歌白紵愁鬢影料增前度感詩懷吟徧異鄉秋祇畱
桃李春如海抵得蓬萊頂上遊

初冬卽事

卧疾小樓中日月全失記不知冬已來但與秋無異開窗
偶閒眺落葉黃滿地西風吹遠鴻書自何方寄籬菊苦低

頭似與人相避白雲偏多情癡欲檐牙墜如此好景光詩
懷豈容秘奈何擾病魔只學冬山睡

十月初七日生朝自嘲

依然蹤迹感沈淪馬齒空驚歲月新編集但增陶甲子降
生敢擬屈庚寅面牆學問仍無益心地光明只守眞猶爲
聞雞常起舞可憐已負好青春

舟泊閔行望月

萬頃白無際荻蘆花滿灘潮隨蟾影上詩入雁聲寒客夢
憑衾裏名心逼夜殘遙憐閨閣裏獨自倚窗看

肖英索觀近作柬之以詩

刻楮深慚技未神偏能物色到風塵論詩似我真餘子知

已如君得幾人落筆常存千載想工愁還較六朝新琵琶
彈出青衫淚踪迹誰憐太苦辛

旅夜聽雨

幾日晴天少雲光掩月華雨聲沈客夢鄉信卜燈花漏似
寒潮急書扶倦影斜旅懷偏易感拈韻手頻叉

寓齋無事自題近稿後

窮年詩卷費參稽聊記飛鴻印爪泥愛友難容刪贈別寓
言何礙寫無題感懷媿未求名淡觸諱時偏看世低一卷
且圖遮眼法憑教他日覆醢雞

會曹杏垞丈

豈有書能破終嫌膽未粗悲歌震霄漢秋氣塞江湖肯賣

長門賦羞描小隱圖醉鄉真樂土任把酒人呼

續題聽翁畫

老屋三間兩間黃葉千山萬山秋色誰爲管領幽人獨自
往還

門外烟波無際天邊雲樹皆秋塊我勞人草草清閒輸與
沙鷗

俞蔣仲纓丈

吟徧天涯白髮新襟懷仍似昔年醇掃除俗艷詩無敵吐
出心花筆有神金粉已消當日夢玉烟肯負故園春江城
風月多吟料何必功名論屈伸

晚發松江

詩併歸心急愁絲水亂梭渡頭風力緊篷背夕陽多塔峭
孤撐月山低淡感螺一星紅閃處漁火劃江過

舟夜同季平薇洲兩弟作

船出蒲塘口油雲四野橫潮兼風雨勢併作一江聲酒淺
難成夢舟遲漫計程談心兄弟樂支枕到三更

舟中荅肖英

布帆無恙感淹畱每到相逢總是秋莫怪詩篇慣蕭瑟青
山原不解埋愁

風阻杜家行

石尤殊不惡畱客遣清閒雲擁天邊樹濤堆水面山寒威
添料峭吟興未闌珊小市魚蝦賤酖顏自往還

寒日

碧落諸天曉風鑿萬樹聲霜濃添菊傲寒重壓裘輕犯日
鴉無色蒸腸酒有情擁爐憑寫興險韻幾番更

晚霽

積雨檐牙滴已停閒蹤郊外偶然經
韉紋水縐雲邊白卵色天開水底青
野樹低圍孤嶼月漁燈倒幻一湖星
無邊霽景憑誰寫鈎取詩情入畫屏

苔肖英

蔣徑曾停問字車

謂亦山丈

文星遙映子雲居少年早作千秋

計舊雨難忘只素書可有文章懸日月未容蹤迹狎樵漁

騰讓我媿邯鄲步捫足新詞藻獨舒

余患足疾君以捫足歌百韻寄懷

冬夜

寒挾肥冬至音沈巷柝嚴庭空憑月佔窗破怯風尖百斛
宜紅友重衾戀黑甜可憐無大廈遮庇慰窮閭

與子慎子良談詩

詩境須探造化源唐音宋派且休論不求甚解斯真解白
信堪存未可存別有性靈歸慧業莫從皮相認專門四時
花葉千番樣何處容人覓線痕

寄樊綺江遼陽

但道出門慣不知行路難三邊霜信早兩袖海雲寒永夕
耿無寐清樽誰與歡滄州有真趣落拓旅懷寬

夜坐書懷

自知豪氣終爲累無那雄心未肯降
醉拂吳鉤還起舞
他明月冷窺窗

寄楊肖英

別來幾負月團團詩滿行囊氣不寒
憶否蓴鱸滋味好江
南秋信已將闌

甲午除夕前三日燈下懷子良

分袂纔三日愁心集百端
梅花經臘動詩夢入宵寒
回首春空度懷人歲又闌
相思深似水流不盡河干